



藏
紀
概

地630

331





藏紀彙叙

舉昔人紀註外國之書惟陳員外西域使程記稍為典
實蓋其身歷非採摭傳聞者可比故史家不得棄之今
修江李公讀書饒志節成孝廉後即遇




朝廷用師因請纓効力行間身歷艱險凍餒佐軍門建棟
兵裕糧之上計遂直抵烏斯藏驅賊安良立功邀叙授
職專城肇共相談論聽其感仗

天威恪宣軍令駐招六閱月諮訪老練記註殊異於彼中
所謂天象地勢人類物事點墨收之奚囊若干條俾編
輯之繹合

聖祖仁皇帝御製論口外諸水源委文為斯編之冠繼編
秦蜀滇三路大軍頓次程途站數結以招中所有經李
公述及者列天地人物事五者彼中所無中華所有中
華所不足道彼中習以為宜然者畧加系論將來覽斯
文必諒今日紀彙之見非僅於記奇註異殆欲有事於
招中疑其阻畏其難之人可安其心而專意以用奇出
正咸如今日之績效方知此三卷書為得濟之條目庶
不虛作者深懷不可等諸正臘日本諸小記已也

時

雍正五年夏至前唐肇興



藏紀繫原由

修江 鐵船居士自述

中外悉歸

皇輿紀載宜補未備維兌方川蜀之西徼有地名烏斯藏攷前後漢書皆未通中國唐代開通西域史冊亦未見有藏名相傳有達賴佛為釋迦四大弟子之一其兩支不知何往惟達賴佛與班禪佛出世互為傳法班禪居後藏達賴居前藏唐之公主下降突厥思會太宗延僧薦福遂創建金寺金塔至今藏有唐碑冠帔猶唐式

庫內唐時鹵簿尚存乃知此地唐時吐蕃之外徼其人則突厥之別部也唐末吐蕃析弱突寢強宋世並無力經理荒服及元起北漢世祖領兵拓地遂今之土魯番西一徑入滇亘建南出漢商會師汴梁統一寰宇始有西僧傳於書冊明嗣京師立有蕃經廠其徒隸食大官者三百年暨

本朝主臨天下撫有萬邦西僧之名號喇嘛擇其道行高者廩結居於

京城旗檀白塔寺以攝察諸喇嘛自黑龍江鎮南抵廣東

粵門沿邊諸口俱不禁阻喇嘛中掌教壇修持者代奉
一人稱為活佛居藏中數十年來貢使不絕番賈貿易
流通藏地之名大著近遭測妄跳梁道其宰僧策倫奪
敦都等與拉藏汗仇殺遂踞其地二年番民受其荼毒
黃教被其侮辱我

聖祖仁育萬方義師天討彩以書生從戎典登鎮部兵隨履
斯地駐居數月見其人之老成達事者詢其建置沿革
即明世事俱不能詳考其系脉姑就目擊耳受者述之
峯峯曰聲教遠播唐元兩代可謂盛矣按稽史冊皆莫

能如我

朝之廓大烏斯藏地在吐番外有明僧達其地未知其所
始大約輿圖地勢道里方向殆五印度之一隅所稱活
佛修行上乘西北各部落國土多信奉其言今

皇恩撫綏保護使其安寧殆不止惜活佛一身正所以涵養
赤子也 鐵船本孝廉効力行間進履其地不但降
彝安藏功績居多而且留心風土採訪番情以備一朝
之紀載供緯劃之考稽歸來述其見聞如此此原由一
節足徵胸次所具異於張博望傳介子矣

藏紀彙卷之初

修江 鐵船居士 紀次

吳陵 奎峯山人 讀輯

恭錄邸抄所載

聖祖仁皇帝御製論地理水源文壹道

康熙六十年二月初四日撫遠大將軍王 摺奏奉

上諭朕於地理從幼留心凡古今山川名號無論邊徼遐荒
必詳考圖籍廣詢方言乃得其正故遣使臣至崑崙西
蕃諸處凡大江黃河黑水金沙瀾滄諸水發源之地皆


目擊詳求載入輿圖今大兵得藏邊外諸蕃悉心歸化
三歲阿里之地俱入版圖其山川名號蕃漢異同當於
時考証明核庶可傳信於後大槩中國諸水皆發源於
東東南大幹內外其原委可得而縷晰也黃河之源出
西寧外枯爾坤山之東眾泉流出沮洳渙散不可勝數
望之燦如列星蒙古名教敦他拉西蕃名蘇羅木譯言
星宿海也是為河源匯為查靈鄂靈二湖東南行折北
復東行由歸德堡積石關入蘭州岷江之源出於黃河
之西巴顏哈拉嶺七七勒哈納蕃名岷捏撮漢書所謂

岷山在西徼外江水所出是也而禹貢導江之處在今
四川黃勝關外名楮山古人謂江源與河源相近禹貢
岷山導江乃引其流非源斯言實有可據其水自黃勝
關流入至灌縣分數十岐至新津縣復合為一東南流
至叙州府金沙江入之 金沙江之源自達賴喇麻東
北烏担烏蘇流出烏担烏蘇譯言乳牛山也其水名毋
魯烏蘇東南流入喀木地又東南流逕中甸入雲南塔
城關名金沙江至麗江府亦名麗江至永北府會打冲
河東流逕武定府入四川界至叙州府合岷江流逕夔
州府入湖廣境由荊州府至武昌府與漢江合漢江源
出陝西寧羗州北嶓冢山名漾水東流至南鄭縣為漢
水入湖廣界東南流至漢陽縣漢口合岷山江此 水
自東南大幹之內故源發于西蕃流入中國也瀾滄江
有二源一源於喀木之噶爾機雜噶爾山名雜楮河一
源於喀木之濟魯肯他拉名教母楮河一水會於义木
多廟之南名拉克楮河流入雲南境為瀾滄江南流至
車里宣撫司名九龍江流入緬國瀾滄之西為哈拉烏
蘇即禹貢之黑水今雲南所謂潞江也其水自達賴喇

東北哈拉腦兒流出東南入喀木界又東南流入怒江
界為怒江入雲南大庾隘名潞江南流逕永昌府潞江
安撫司境入緬國潞江之西為龍川江龍川江之源從
喀木所屬春多嶺流出南流入大庾隘西流為龍川江
至漢龍關入緬國此諸水在東南大幹之外故皆流入
南海也又云南邊境有檳榔江者其源發自阿里斯之
岡底斯東打毋朱喀巴珀山譯言馬口也有泉流出為
牙母藏布江從南折東流逕藏危地過日噶公遙兒城
傍合噶兒詔毋倫江之南流工部布落地入雲南古勇
州為檳榔江出鐵壁關入緬國而岡底斯之南有山名
郎千喀巴珀譯言象口也有泉流出入馬品母達賴腦
兒又流入郎噶腦兒兩湖之水西流至桑納池岡底斯
之北有山名生格喀巴珀譯言獅子口也有泉流出西
行亦至桑納池二水合而南行又折東行至那克拉蘇
母多地與岡底斯西馬珀家喀巴珀山之水會馬珀家
喀巴珀者譯言孔雀口也其水南行至那克拉蘇母多
地會東行之水東南流至厄納忒克國為岡噶毋倫江
即佛書所謂恒河也佛國記載魏法顯順恒河入南海

至山東之渤海入口應即此水矣梵書言四大水出於
阿耨達山下有阿耨達池以今考之意即岡底斯是唐
古特稱岡底斯者猶言衆山水之根與釋典之言相合
岡底斯之南有二湖接連土人相傳為西王母瑤池云
即阿耨達池也又梵書言普陀山有三一在厄納忒克
之正南海中山上有石天官觀自在菩薩遊舍是乃真
普陀一在浙江之定海縣海中謂善才第二十八希觀
音菩薩設法處一在圖白特今番名布達拉山亦為觀
音化現之地釋氏之書本自西域故於彼地山川脈可
引為據也禹貢導黑水至于三危舊注以三危為山名
而不知其所在朕今始考其實三危者猶中國之三省
也打爐箭之西南達賴喇麻所屬拉李城之東南為喀
木地達賴喇麻為危地班禪呼圖克圖所屬為藏地
合三地為三危耳哈喇烏蘇由其地入海故曰導黑水
至於三危入于南海也至于諸番名號與史傳不同而
亦有可據者今之圖白特即唐之突厥唐太宗時以公
主下降公主供佛像于廟今番人名治治者譯言如來
也其地猶有唐時中國載去佛像明成化時烏斯藏大

寶法王來朝辭歸時以半駕鹵簿送之遣內監護行內
監至四川邊境即不能前進而返留其儀仗之佛廟至
今往來之人多有見之此載于明寶錄者尔等將山川
地名詳細改正具奏



康熙五十九年四月某日

皇帝命下擇吉於四月二十二日大兵出西寧得勝口陝西
督標固原甘州涼州寧夏蘭州興漢西寧及山西太原
護糧牽駝之各路官兵迤邐進發四十里第一墩
义庫里台次第二墩薩喇葵田河爾兔次第三墩烏蘭
庫爾克次第四墩哈什罕河次第五墩衣克珠爾格次
第六墩坎卜寺灘其地上界蒙古所居屬達賴喇嘛寺
即其下院也

次第七墩波羅和碩碩查哈那拉次第八墩青海之波
羅托洛海 即可可腦兒即可華言青也水聚不流蒙
古曰腦兒即中國之湖也青海周迴三百餘里中有石
山曰黑山魚似鱖鯉甚多皆無鱗甲海神極靈異網罟
入則冰雹隨之

次第九墩青海之哈馬兒嶺次查庫兒兔 華言牛角
在青海南

次第十墩哈拉蘇巴尔罕

次第十一墩茶罕厄波兔岡次哈套阿湯

次第十二墩衣克喀套嶺兒口

次第十三墩衣克喀套嶺之陽坡

次第十四墩打布素郭必之巴罕蘇次巴汗郭必達布素腦

次第十五墩達布素郭必之坤都伶末合尔河次處里

虎喇 華言沙灘

次第十六墩末合尔河之特門胡駐岡 華言駱駝頸項也

次第十七墩和尔兔河

次第十八墩烏蘇翁都尔山之陽

次第十九墩打布素郭必之翁袞

次第二十墩木壘巴尔虎之嶺陰胡基尔兔托

次第二十一墩木壘巴尔虎之嶺陰茶罕厄

次第二十二墩木壘蔡田悉利 山高積雪極冷無草

馬多斃

次第二十三墩木壘巴尔虎嶺陰之木壘那伶义口

次第二十四墩過此大路皆爛泥山輜重不能行由正

南小路走托孫腦兒時五月初八日

次倚馬兔河次牙麻兔河次爍落嶺

長江之源

華言珊瑚嶺即中國長江之源此水至巴嶺哈喇七
七兒阿乃東流至四川黃勝關外岷山禹貢岷山導
江乃其流非源也 次巴顏哈喇次烏蘭叉庫爾次
丁劉兔木復大路

次第三十二墩吉兒西拉河次吉兒馬太山口迤西烏
珠兒岡 四山環抱河魚甚多草亦豐茂

次第三十三墩吉爾馬太山之喀立達拉嶺次托素腦
兒

次第三十四墩托素腦兒之哈喇烏素岡

次第三十五墩柴旦木所出河源之東涯次柴旦木河
河次賀里茶罕塞兒

次第三十六墩楚爾登河之西涯茶罕塞兒

次第三十七墩楚爾登灘之中央

次第三十八墩布喀音色布勒素

黃河之流 次第三十九墩烏蘭波爾岡

次第四十墩黃河源之前素羅木 即星宿海黃河

至此始成河然深止及馬腹水之消長不過時此東
南行由歸德堡積石關至蘭州

次蒙烏兒托波海岡 營後五六里有石碑不知立自何時上云去西藏一千九伯七里俱無醉馬草又云去此地十五里有白鹽可取驗之果然

次第四十一墩黃河源前索羅木之茶罕哈達岡

黃河伏流

黃河伏流 次第四十二墩黃河源前索羅木湖盪哈達岡

黃河伏流 瀕海立營水草俱便湖名奇格腦兒一名鄂靈腦兒此湖乃黃河之衆水所匯伏流至索羅木灘始成河

次第四十三墩黃河源前索羅木湖邊

次第四十四墩黃河源後索羅木兩湖中間之茶罕托落海岡

次第四十五墩黃河源後索羅木之桑托洛海岡

其湖即鄂靈腦兒星宿海水所聚登山一望目力所及數百里盡皆坎窪燦若列星至此忽成湖湖亦周遭二百餘里迤南則平原豐草兩傍則平山踰山牧馬西南一帶海水迴環黃羊野馬皆不畏人蓋此地從無部落住牧故也

此處望崑崙

次第四十六墩黃河源後索羅木湖邊之特末兒岡

次第四十七墩黃河源後索羅木湖邊

時六月初三日途間過噶順腦兒小海水苦路西大海彌連西南一帶數百餘里魚多草茂風雪不時瘴氣甚厲海水中分半紅半白西望崑崙尚三四百里四時有雲氣罩護不見全形

次巴罕索羅木

次第四十八墩

次第四十九墩黃河源後索羅木哈馬古兒岡之依哈

兒泉

次第五十墩

次第五十一墩黃河源後索羅木灘中苦苦阿滿口厄

勒索木泉

次第五十二墩黃河源星宿海灘之中央

次第五十三墩黃河星宿海西邊

次第五十四墩黃河祖源阿爾坦河

次第五十五墩黃河祖源阿爾坦河海邊努克托落海岡

次第五十六墩黃河祖源阿爾坦河邊喇嘛托落海岡

次第五十七墩

次第五十八墩次巴顏哈喇口子次巴顏哈喇

時六月十二日有西藏番目弟巴阿里布巴率唐古特七十人來降乃達賴喇嘛之父佛公之姻親始知藏內策倫敦都調唐古特各部番目至哈喇烏素欲與我兵對敵弟巴里阿布是以稱病率所部數十人潛逃出境策倫敦都之兵形至此方知其虛實

次第六十一墩巴顏哈喇嶺陰之噶布喇河口

次第六十二墩巴罕哈爾兒河

次第六十五墩依克圖爾哈兔河邊毛新知爾和山之陽

金沙江源

次第六十六墩庫庫爾兔西又西路河口

次第六十七墩

次第六十八墩木魯烏素大兵到新築城三里許名曰

聞喜城

即金沙江祖源又名通天河其水東南流入喀木地又東南流至中甸入雲南塔城關名金沙江至麗江府亦名麗江東流經武定府入四川界至瀘州府合